



5 negeri berisiko banjir

**Monsun Timur Laut
dijangka jejas
kawasan cenderung
banjir, rendah**

AIMAN SADIQ ABDULLAH

KUANTAN

Empat hingga enam episod hujan dijangka landa Kelantan, Terengganu, Pahang, timur Johor dan Sarawak susulan Monsun Timur Laut akan bermula minggu pertama November ini hingga Mac 2019.

Ketua Pengarah Jabatan Meteorologi Malaysia (MET), Alui Bahari berkata, keadaan ini boleh menyebabkan banjir di kawasan rendah dan cenderung alami bencana itu. Menurutnya, pada masa ini, berlaku peralihan monsun yang dijangka hingga hujung Oktober.

"Kami jangka November sehingga Januari perlu dibimbangkan disebabkan keadaan angin yang lemah berbanding Februari dan Mac



Alui (kanan) bersama Mashitah (tengah) dan Ramzah (kiri) menunjukkan Buku 'Disaster in Malaysia: Tomorrow is a Mystery' yang dilancarkan.

yang alami angin kering.

"Dijangkakan Kelantan dan Terengganu akan alami hujan lebat pada November sebelum turun ke Pahang dan Johor pada Disember, seterusnya akan menuju ke Sabah dan Sarawak pada Januari," katanya.

Beliau berkata demikian pada sidang media selepas menghadiri Forum Iklim Kebangsaan 2018: Monsun Timur Laut 2018/1/2019 di

Dewan Astaka, Universiti Malaysia Pahang (UMP), di sini semalam.

Hadir sama, Timbalan Ketua Setiausaha Kementerian Tenaga, Sains, Teknologi, Alam Sekitar dan Perubahan Iklim (MESTECC), Prof Madya Dr Ramzah Daambul; Timbalan Naib Canselor UMP, Profesor Datuk Dr Mashitah Mohd Yusoff dan Dekan Fakulti Kejuruteraan Awam dan Sumber Alam UMP, Dr Moha-

mad Idris Ali.

Sementara itu, mengulas kejadian banjir kilat dan fenomena air pasang besar di di Johor dan Selangor semalam, Alui berkata, ia adalah antara kesan peralihan monsun dan dijangka berterusan sehingga musim Monsun Timur Laut bermula bulan depan.

"Taburan hujan dan arah tiupan angin banyak mempengaruhi kejadian banjir kilat. Fenomena air pasang besar memang berlaku dan kita kena bersedia juga sebab ia terjadi dua kali sebulan.

"Kalau ketika air pasang (besar) dan pada masa sama berlaku hujan lebat serta bertembung dengan tiupan angin kencang, memang akan banjir kilat akibat limpahan air sungai," katanya.

Beliau menasihati orang ramai supaya peka dengan amaran cuaca buruk dikeluarkan MET dan mematuhi garis panduan keselamatan.

Orang ramai disarankan memuat naik aplikasi MyCuaca yang dibangunkan MMD bagi mendapatkan maklumat terkini mengenai keadaan cuaca, selain kejadian gempa bumi dan amaran tsunami.

Bantah
Oktoberfest

KUALA LUMPUR - Pemuda Pas Kawasan Wangsa Maju menyifatkan penganjuran pesta arak Oktoberfest 2018 di negara ini seolah-olah menggambarkan Malaysia dijadikan lokasi aktiviti bebas buat masyarakat luar.

Ketuanya, Mohd Abdul Hadi Ghazali berkata, sekiranya ia dibiarkan, penganjuran acara itu seperti tidak terikat dengan sekatan undang-undang dan peraturan.

"Walaupun umat Islam bulan menjadi sasaran penyertaannya, tetapi tiada had atau halangan jika ada orang Islam sertainya, sekali gus gamit sesiapa sahaja untuk hadir termasuk orang Islam," katanya dalam satu kenyataan yang dimuat naik di Facebook rasmi DPPK Wangsa Maju, semalam.

Beliau berkata, kerajaan persekutuan dan Dewan Bandaraya Kuala Lumpur (DBKL) tidak harus membiarkan acara itu berlangsung dengan membatalkan permohonan permit.